

**REGLUGERÐ FRAMKVÆMDASTJÓRNARINNAR (ESB) 2019/1870****2020/EES/31/10**

frá 7. nóvember 2019

**um breytingu og leiðréttingu á reglugerð (EB) nr. 1881/2006 að því er varðar hámarksgildi fyrir erúkasýru og blásýru í tilteknum matvælum (\*)**

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð ráðsins (EBE) nr. 315/93 frá 8. febrúar 1993 um málsmeðferð fyrir Bandalagið vegna mengunarefna í matvælum (1), einkum 3. mgr. 2. gr.,

*og að teknu tilliti til eftirfarandi:*

- 1) Með reglugerð framkvæmdastjórnarinnar (EB) nr. 1881/2006 (2) eru sett hámarksgildi fyrir tiltekin aðskotaefni í matvælum, þ.m.t. fyrir erúkasýru í tilteknum matvælum.
- 2) Sérfræðinganefnd Matvælaöryggisstofnunar Evrópu (hér á eftir nefnd Matvælaöryggisstofnunin) um aðskotaefni í matvælaferlinu (hér á eftir nefnd sérfræðinganefndin) samþykkti vísindalegt álit 21. september 2016 um erúkasýru í fóðri og matvælum (3). Matvælaöryggisstofnunin fastsetti þolanlega, daglega inntöku við 7 mg/kg líkamsþyngdar á dag fyrir erúkasýru. Hæstu gildi fæðutengdra váhrifa greindust hjá ungbörnum og öðrum börnum þar sem váhrifagildi voru yfir þolanlegri, daglegri inntöku. Þetta getur bent til áhættu fyrir unga einstaklinga sem verða fyrir miklum váhrifum af erúkasýru.
- 3) Gögn um tilvist erúkasýru í jurtaolíu og fitu benda til að unnt sé að minnka magnið í flestum jurtaolím og fitu með því að beita góðum starfsvenjum, t.d. með því að nota afbrigði sem innihalda lítið af erúkasýru. Því er rétt að lækka hámarksgildi fyrir jurtaolíur, að undanskildum akurdoðruolíu, sinnepsolíu og hjólkrónuolíu, niður í þau gildi sem sett voru í Alþjóðamatvælaáskránni fyrir repjufræsolíu með litlu magni af erúkasýru (4).
- 4) Að því er varðar akurdoðruolíu, sinnepsolíu og hjólkrónuolíu hafa verið lögð fram gögn sem sýna að ekki sé unnt að minnka magnið með því að beita góðum starfsvenjum vegna þess að það finnast engin afbrigði af þessum tegundum þar sem jurtaolían, sem er unnin úr plöntunum, inniheldur magn erúkasýru sem er undir hámarksgildinu sem lagt er til fyrir hinar jurtaolíurnar. Af þeim sökum og þar eð þessar olíur eru ekki eins mikilvægar og aðrar jurtaolíur að því er varðar váhrif á menn ætti hámarksgildi erúkasýru í akurdoðruolíu, sinnepsolíu og hjólkrónuolíu að haldast óbreytt. Í því skyni að komast hjá lokun lítilla fyrirtækja og örfyrirtækja í tilteknum aðildarríkjum þykir enn fremur rétt að undanskilja sinnepsolíu, sem er framleidd í litlu magni á staðnum til staðbundinnar neyslu, frá beitingu hámarksgildisins með samþykki lögbærs yfirvalds.
- 5) Þar eð hámarksgildi fyrir jurtaolíur og fitu gildir einnig um jurtaolíur sem eru notaðar sem innihaldsefni í matvæli þarf ekki að fastsetja hámarksgildi fyrir erúkasýru í matvælum sem innihalda viðbættar jurtaolíur og fitu.
- 6) Þar eð erúkasýra er í miklu magni í sinnepi er áhætta á umtalsverðum váhrifum af völdum neyslu á sinnepi. Því er rétt að fastsetja hámarksgildi fyrir erúkasýru í sinnepi.

(\*) Þessi ESB-gerð birtist í Stjttíð. ESB L 289, 8.11.2019, bls. 37. Hennar var getið í ákvörðun sameiginlegu EES-nefndarinnar nr. 54/2020 frá 30. apríl 2020 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn (bíður birtingar).

(1) Stjttíð. EB L 37, 13.2.1993, bls. 1.

(2) Reglugerð framkvæmdastjórnarinnar (EB) nr. 1881/2006 frá 19. desember 2006 um hámarksgildi fyrir tiltekin aðskotaefni í matvælum (Stjttíð. ESB L 364, 20.12.2006, bls. 5).

(3) *Tíðindi Matvælaöryggisstofnunar Evrópu* 2016 14(11), 4593.

(4) Staðall fyrir tilgreindar jurtaolíur (CODEX STAN 210-1999), Alþjóðamatvælaáskráin.

- 7) Hámarksgildi fyrir erúkasýru í ungbarnablöndum og stoðblöndum hafa þegar verið fastsett með framseldri reglugerð framkvæmdastjórnarinnar (ESB) 2016/127 <sup>(5)</sup>. Til glöggvunar ætti að fella brott hámarksgildin fyrir erúkasýru í ungbarnablöndum og stoðblöndum sem voru fastsett með reglugerð (EB) nr. 1881/2006.
- 8) Í reglugerð framkvæmdastjórnarinnar (ESB) 2017/1237 <sup>(6)</sup> er ekki sett nein mælieining fyrir hámarksgildi blásýru. Því er rétt að leiðrétta þessa villu til að veita réttarvissu.
- 9) Því ætti að breyta reglugerð (EB) nr. 1881/2006 til samræmis við það.
- 10) Ráðstafanirnar, sem kveðið er á um í þessari reglugerð, eru í samræmi við álit fastanefndarinnar um plöntur, dýr, matvæli og fóður.

## SAMÞYKKT REGLUGERÐ ÞESSA:

*1. gr.*

Viðaukanum við reglugerð (EB) nr. 1881/2006 er breytt í samræmi við I. viðauka við þessa reglugerð.

*2. gr.*

Viðaukinn við reglugerð (EB) nr. 1881/2006 er leiðréttur í samræmi við II. viðauka við þessa reglugerð.

*3. gr.*

Matvæli, sem skráð eru í viðaukann við þessa reglugerð, sem voru sett á markað á löglegan hátt fyrir gildistöku þessarar reglugerðar mega vera áfram á markaði til síðasta dags lágmarksgeymsluþols þeirra eða til síðasta notkunardags.

*4. gr.*

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 7. nóvember 2019.

*Fyrir hönd framkvæmdastjórnarinnar,*

Jean-Claude JUNCKER

*forseti.*

<sup>(5)</sup> Framseld reglugerð framkvæmdastjórnarinnar (ESB) 2016/127 frá 25. september 2015 um viðbætur við reglugerð Evrópuþingsins og ráðsins (ESB) nr. 609/2013 að því er varðar sértækar samsetningar- og upplýsingakröfur fyrir ungbarnablöndur og stoðblöndur og að því er varðar kröfur um upplýsingar sem varða ungbarna- og smábarnafæði (Stjtið. ESB L 25, 2.2.2016, bls 1.)

<sup>(6)</sup> Reglugerð framkvæmdastjórnarinnar (ESB) 2017/1237 frá 7. júlí 2017 um breytingu á reglugerð (EB) nr. 1881/2006 að því er varðar hámarksgildi blásýru í ónunnum heilum, móludum, steyttum, brotnum eða söxuðum apríkósukjörnum sem settir eru á markað fyrir lokaneytendur (Stjtið. ESB L 177, 8.7.2017, bls. 36).

## I. VIÐAUKI

Í stað færslu 8.1 í 8. þætti í viðaukanum við reglugerð (EB) nr. 1881/2006 kemur eftirfarandi:

	Matvæli <sup>(1)</sup>	Hámarksgildi (g/kg)
„8.1	<b>Erúkasýra, þ.m.t. erúkasýra sem er bundin í fitu</b>	
8.1.1	Jurtaolíur og fitur sem settar eru á markað handa lokaneytendum eða til notkunar sem innihaldsefni í matvæli, að undanskilinni akurdoðruolíu, sinnepsolíu og hjólkrónuolíu	20,0
8.1.2	Akurdoðruolía, sinnepsolía <sup>(1)</sup> og hjólkrónuolía	50,0
8.1.3	Sinnep (bragðefni)	35,0

<sup>(1)</sup> Með samþykki lögbærs yfirvalds gildir hámarksgildið ekki um sinnepsolíu sem er framleidd á staðnum til staðbundinnar neyslu.“

## II. VIÐAUKI

Í stað færslu 8.3 í 8. þætti í viðaukanum við reglugerð (EB) nr. 1881/2006 kemur eftirfarandi:

Matvæli <sup>(1)</sup>		Hámarksgildi (mg/kg)
„8.3	<b>Blásýra, þ.m.t. blásýra sem er bundin í sýaníðmyndandi glýkósíð</b>	
8.3.1	Óunnir heilir, malaðir, steyttir, brotnir eða saxaðir apríkósukjarnar sem settir eru markað fyrir lokaneytendur <sup>(1)</sup> <sup>(2)</sup>	20,0

<sup>(1)</sup> „Óunnar afurðir“ eins og þær eru skilgreindar í reglugerð Evrópuþingsins og ráðsins (EB) nr. 852/2004 frá 29. apríl 2004 um hollustuhætti sem varða matvæli (Stjtið. ESB L 139, 30.4.2004, bls. 1).

<sup>(2)</sup> „Setning á markað“ og „lokaneytandi“ eins og skilgreint er í reglugerð Evrópuþingsins og ráðsins (EB) nr. 178/2002 frá 28. janúar 2002 um almennar meginreglur og kröfur samkvæmt lögum um matvæli, um stofnun Matvælaöryggisstofnunar Evrópu og um málsmeðferð vegna öryggis matvæla (Stjtið. EB L 31, 1.2.2002, bls. 1).“